

A

-ve Virgo spe-ci-é-i, Ave ma-ter sanctæ spe-i,

Et re-gí-na ju-re dicta, O fé-mi-na bene-dícta, Præ cunctis

mu-li-é-ri-bus. R̃. O Ma-rí-a, intercède pro no-bis.

2. Ave cujus partus sanctus
Effugávit nostros planctus,
Dum laus Deo nuntiátur
In excélsis, atque datur
In terris pax homínibus.

R̃. O María.

3. In te manet mel dulcórum,
In te scatet fons hortórum,
In te nitet decor florum,
In te mulcet thus odórum,
Myrrha stillat de mánibus.

R̃. O María.

4. Ave, Virgo pulchra tota,
Et amícta solis rota,
Atque stellis coronáta
Duodénis, dum calcáta
Luna tuis est pédibus.

R̃. O María.

5. Dignum nostræ laudis thema
Tuum fulgens diadéma,
Tot flóribus sanctitátis,
Præ his rosa caritátis,
Et castitátis lílio.

R̃. O María.

6. Virgo fortis, et armáta
Ut ácies ordináta,
Hæreses interemísti,
Ac júgiter tu fuisti
Christiánis auxilió.

R̃. O María.

7. O Regína, domináris
Super astra, fluctus maris,
Regna terræ, nec ipsórum
Portas latent infernorum
Tui jura regíminis.

R̃. O María.

8. Pietátem tuam cuncti
Vivi noscunt et defúncti:
His in flamma fer levámen;
Simul illis da juvámen
In hac vita certáminis.

R̃. O María.

9. Paradísi felix porta,
In agóne nos confórta:
Suspirámus ad te rei
Nos perduc in requiúi
ÆtéRNA tabernácula.

R̃. O María.

10. Christum pro nobis exóra,
Et nunc et in mortis hora,
Ut nos solvet a peccátis,
Et in regno claritátis
Nos cóllocet per secula.

R̃. O María.